



„ჰელფინგ ჰენდი“

ევრაზიის თანამშრომლობის ფონდისა და სი-არ-არ-სი საქართველოს
მხარდაჭერით

ახალგაზრდების დამოკიდებულება მოხალისეობისადმი

ანგარიში

21 აგვისტო 2013

კვლევა განხორციელდა პროექტის ”მოხალისეობის განვითარება სამოქალაქო ცვლილებებისათვის” ფარგლებში ევრაზიის თანამშრომლობის ფონდის მხარდაჭერით

განსაკუთრებული მადლობა

- სი-არ-არ-სი საქართველოს კვლევების დირექტორს ქალბატონ თინათინ ზურაბიშვილს გაწეული კონსულტაციების, მხარდაჭერისა და თანამშრომლობისათვის;
- სი-არ-არ-სი საქართველოს კონსულტანტთა ჯგუფს: სოფო მჭედლიშვილს, დავით სიჭინავას, ნინი ქერქაძეს კვლევის კითხვარების შედგენის და მონაცემთა ბაზის პროცესში გაწეული დახმარებისათვის;
- მერაბ ბოჭოიძეს, „ჰელფინგ ჰენდის“ მოხალისესა და ზემო ავსტრიის გამოყენებით მეცნიერებათა უმაღლესი სასწავლებლის მაგისტრს კვლევის ანგარიშის მომზადებისათვის;
- ავთანდილ მამალაშვილს, „ჰელფინგ ჰენდის“ მოხალისეთა კოორდინატორს ინტერვიუერთა ჯგუფის ხელმძღვანელობისა და კვლევის ასისტენტობისათვის;
- საქართველოს ახალგაზრდა სოციოლოგთა ასოციაციის, ილიაუნის ”ახალგაზრდა სოციოლოგთა გაერთიანების” წევრებს კვლევის ფარგლებში ჩატარებული ინტერვიუებისათვის;
- „ჰელფინგ ჰენდის“ მოხალისეებს.

სარჩევი

წინასიტყვაობა

პირველი კომპონენტი

კვლევის მიზანი

კვლევის მეთოდოლოგია

პირველი კომპონენტის კვლევის შედეგები

დემოგრაფიული მაჩვენებლები

მოხალისეთა საქმიანობა

მოხალისეობა „ჰელფინგ ჰენდის“ პარტნიორ ორგანიზაციებში

მოხალისეობა „ჰელფინგ ჰენდში“ - განწყობები და დამოკიდებულებები

დასკვნა

მეორე კომპონენტი

კვლევის მიზანი

კვლევის მეთოდოლოგია

კვლევის შედეგები

დემოგრაფიული მაჩვენებლები

მოხალისეობა თბილისში

შემაჯამებელი დასკვნა

დანართი

უნივერსიტეტების სია

პირველი კომპონენტის კითხვარი

მეორე კომპონენტის კითხვარი

წინასიტყვაობა

მოხალისეობა მრავალმხრივი ფენომენია და დემოკრატიული საზოგადოების განვითარების ერთ-ერთი მძლავრი იარაღი. მოხალისეობა ხელს უწყობს ძლიერი სამოქალაქო საზოგადოების ჩამოყალიბებას და სამოქალაქო პასუხისმგებლობის ამაღლებას.

მოხალისეები მოღვაწეობენ ისეთ სფეროებში, როგორებიცაა, მაგალითად, სოციალური კეთილდღეობა, ადამიანის უფლებებისა და გარემოს დაცვა, ჰუმანიტარული დახმარება, ჯანდაცვა, სიღარიბის აღმოფხვრა და ა.შ.

ადამიანების მხრიდან ადამიანთა დახმარება საქართველოში უძველესი დროიდან იღებს სათავეს და საკმაოდ დიდი ისტორიაც აქვს. ადამიანის ცნობიერებაში მყარად აქვს ფესვები გადგმული სხვათა დახმარებას, მაშინ როცა მაგალითად, ადგილი აქვს ქორწილს, ქელესსა თუ ქართულ სუფრას. თუ თვალს გადავავლებთ საქართველოს ისტორიას, დავინახავთ, რომ მოხალისეობის ქართული გაგება „დაეხმარე სხვას“ და მისი განვითარების პირველი ნაბიჯები ჩვენს მიერ ზემო აღნიშნული ფორმების სახით არსებობდა და ფართო გავრცელებას ჰპოვებდა.

მოხალისეობა საქართველოში ჯერ კიდევ განვითარების საწყის ეტაპზეა და მნიშვნელოვნად ჩამორჩება მოხალისეობრივი საქმიანობების ხელშეწყობის კუთხით დემოკრატიულ ქვეყნებს; აქედან გამომდინარე, მოხალისეობა არც თუ ისე პოპულარულია, სიტყვა „მოხალისეს“ კი საზოგადოებაში დემოკრატიული ღირებულების მატარებელი დატვირთვა ჯერ კიდევ არ აქვს; უფრო მეტიც, არ არსებობს „მოხალისეობის“ და „მოხალისის“ სამართლებრივი განმარტებები, შესაბამისად არ არის განსაზღვრული საბაზისო უფლება-მოვალეობანი.

მიუხედავად იმისა, რომ გარკვეული ცვლილებები მოხალისეობის განვითარების კუთხით მიმდინარეობს, შეიძლება ითქვას, ეს ინსტიტუტი საქართველოში ჯერ კიდევ განვითარების საწყის ეტაპზეა. დღესდღეობით, ახალგაზრდების მხოლოდ 15% არის ჩართული მოხალისეობრივ საქმიანობაში. თუმცა მიგვაჩნია, რომ არსებობს დიდი პოტენციალი და საჭიროა კონკრეტული ნაბიჯების გადაგდმა: კერძოდ, საკითხის შესწავლა, მოხალისეთა მობილიზება, მოხალისეობრივი პროგრამების განვითარება, და ა.შ.

მოხალისეობის განვითარებისა და კულტურის ხელშეწყობის ერთ-ერთი გზა ახალგაზრდების გააქტიურებაა ამ მიმართულებით. ეს შესაძლებლობას აძლევს ახალგაზრდებს, საზოგადოების განვითარების პროცესებში აქტიურად ჩაერთონ და მონაწილეობა მიიღონ. აღსანიშნავია, რომ მოხალისეობა ხელს უწყობს

ახალგაზრდებში თავისუფალი დროის სასარგებლოდ გამოყენებას, ახალი ინტერესის სფეროს გაჩენას, ცოდნის გაღრმავებას, პრაქტიკული უნარ-ჩვევების გამომუშავებას, საკუთარი ინიციატივების განხორციელებას, პროფესიული გამოცდილების შეძენას, ახალი ადამიანების გაცნობას და ბოლოს - სოციალური სარგებლიანობის შეგრძნებას.

არასამთავრობო ორგანიზაცია “ჰელფინგ ჰენდი” დაარსების დღიდან ახდენს ახალგაზრდების მობილიზებასა და მათ ინფორმირებულობას და მოხალისეობრივ პროგრამებში ჩართულობას. ამჟამად, „ჰელფინგ ჰენდის“ „მოხალისეთა ინკუბატორში“ 300 ახალგაზრდაა გაერთიანებული. მოხალისეებთან მუშაობის გამოცდილებამ დაგვანახა, რომ „მოხალისეთა ინკუბატორის“ მსგავსი მოხალისეთა რესურს ცენტრები საქართველოს სხვადასხვა რეგიონებშიც უნდა ჩამოყალიბდეს. აუცილებელია ასევე, მოხალისეთა მართვისა და მობილიზების მეთოდების გამოყენების პრაქტიკაში დანერგვა.

წარმოდგენილი კვლევის პრობლემატიკა ეხება, ერთის მხრივ, მოხალისეობრივ საქმიანობაში ჩართული მოხალისე ახალგაზრდების მოხალისეობრივი საქმიანობის შესწავლას, მოხალისეობისას მათი პრობლემების იდენტიფიკაციას, ასევე იმის შესწავლას, თუ რა გავლენას ახდენს „ჰელფინგ ჰენდის“ მიერ შეთავაზებული მოხალისეობრივი პროგრამები მოხალისეობის კულტურის განვითარებაზე თბილისში. კვლევის მეორე კომპონენტის მიზანი იყო, დაგვედგინა თბილისში მცხოვრები სტუდენტების დამოკიდებულება მოხალისეობისადმი და განგვესაზღვრა მათი ინფორმირებულობის დონე, რათა გაირკვეს, თუ რა ფაქტორები განაპირობებენ სტუდენტთა დაინტერესებას მოხალისეობრივი საქმიანობით და, პირიქით, რა გარემოებები უშლის ხელს მათ ჩართულობას ამ საქმიანობაში.

პირველი კომპონენტი

კვლევის მიზანი

კვლევის პირველი კომპონენტის მიზანი გახლდათ „ჰელფინგ ჰენდის“ მოხალისეების მოხალისეობრივი საქმიანობის შესწავლა და დადგენა, თუ რა ფაქტორებმა განაპირობეს მათი ჩართულობა ამ საქმიანობაში. გარდა ამისა, კვლევის საფუძველზე ორგანიზაცია შეეცადა დაედგინა, არსებობს თუ არა რაიმე სახის დაბრკოლებები, რამაც შეიძლება ხელი შეუშალოს მოხალისეს ორგანიზაციასთან თანამშრომლობასა ან თანამშრომლობის გაგრძელებაში. აგრეთვე, კითხვების ნაწილი მიმართული იყო იმაზე, რომ დაედგინა, თუ რა გავლენას ახდენს „ჰელფინგ ჰენდის“ მიერ შეთავაზებული მოხალისეობრივი პროგრამები მოხალისეობის კულტურის განვითარებაზე. კვლევის შედეგები ორგანიზაციას დაეხმარება იმ პრობლემების გამოვლენაში, რისი აღმოფხვრაც მომავალში ხელს შეუწყობს მოხალისეობის მენეჯმენტის განვითარებას, რათა მოხდეს აქტიურად და ფართო მასშტაბებით ახალგაზრდების მოხალისეობრივ საქმიანობაში ჩართვა და ასევე, უფრო ეფექტური მოხალისეობრივი პროგრამების შექმნა საქართველოს მასშტაბით.

კვლევის მეთოდოლოგია

საკითხის შეაწავლის მიზნით ჩატარდა მოხალისეების ონლაინ გამოკითხვა. კითხვარის ბმული გაეგზავნა „ჰელფინგ ჰენდის“ 180 მოხალისეს, რომელიც ორგანიზაციის ბაზაში არსებობდა. გამოკითხვა ჩატარდა 2013 წლის აპრილში. ონლაინ კითხვარი შეავსო 165-მა რესპონდენტმა, ყველა მათგანი გამოკითხვის პერიოდში თბილისში ცხოვრობდა. აქედან 162 შევსებული კითხვარი აღმოჩნდა ვალიდური. რესპონდენტთა ასაკი 14-დან 30 წლამდე მერყეობს.

კითხვარი ოთხი ბლოკისგან შედგებოდა:

1. დემოგრაფიული ნაწილი;
2. ზოგადი ინფორმაცია მოხალისეების ინტერესებისა და საქმიანობის შესახებ;
3. მოხალისეობა „ჰელფინგ ჰენდის“ პარტნიორ ორგანიზაციებში;
4. მოხალისეობა „ჰელფინგ ჰენდში“ - განწყობები და დამოკიდებულებები.

კითხვარი დასაწყისში გვამღევს რესპონდენტთა დემოგრაფიულ მონაცემებს. მას მოსდევს მეორე ბლოკი, რომელიც შემდეგ ინფორმაციას იძლევა:

- მოხალისეობრივი საქმიანობის შესრულების მიზნებსა და მიზეზებზე;
- მოხალისეობრივი საქმიანობისათვის დათმობილი დროის შესახებ;
- მოხალისეების ინფორმირებულობის დონის შესახებ შეზღუდული შესაძლებლობის მქონე პირებთან, მოხუცებთან, უსახლკარო ბავშვებთან და სოციალურად დაუცველ ადამიანებთან ურთიერთობის ფორმებზე;
- მოხალისეობრივი საქმიანობის სფეროების შესახებ, რომლებითაც მოხალისეები ინტერესდებიან.

კითხვარის მესამე ბლოკი შემდეგ საკითხებს ეხება:

- მოხალისეთა ჩართულობის დონე „ჰელფინგ ჰენდის“ პარტნიორ ორგანიზაციებში;
- მოხალისეობრივ საქმიანობასთან დაკავშირებული პრობლემები;
- მოხალისეთა დამოკიდებულება „ჰელფინგ ჰენდის“ პარტნიორ ორგანიზაციებისადმი.

ხოლო კითხვარის მეოთხე ნაწილი იძლევა ინფორმაციას იმის თაობაზე, თუ როგორია:

- მოხალისეობა „ჰელფინგ ჰენდში“;
- მოხალისეობრივი საქმიანობით მიღებული გამოცდილების შეფასება;
- „ჰელფინგ ჰენდის“ მოხალისეთა ურთიერთდამოკიდებულებები.

პირველი კომპონენტის კვლევის შედეგები


დემოგრაფიული მაჩვენებლები

გამოკითხულთა უმრავლესობა (85%) მდებარეობითი სქესის წარმომადგენელია, დანარჩენი 15%, რომელიც სულ 25 კაცს წარმოადგენს, არის მამრობითი სქესის. რესპონდენტთა ძირითადი ნაწილი (83%) ბაკალავრიატის სტუდენტი აღმოჩნდა, ხოლო მაგისტრატურის სტუდენტები და სკოლის მოსწავლეები, შესაბამისად, 10%-ს და 7%-ს შეადგენენ. აგრეთვე მწირეა იმ რესპონდენტთა რაოდენობა, რომლებიც ქორწინებაში იმყოფებიან (3 ადამიანი), და არცერთ მათგანს არ ჰყავს შვილი.

მოხალისეთა საქმიანობის შესწავლიდან იკვეთება, რომ გამოკითხულთა უმრავლესობას (77%) არ გააჩნია ანაზღაურებადი სამსახური, 12%-ს აქვს დროებითი სამსახური, და მხოლოდ 7% მუშაობს სრულ განაკვეთზე (იხ. დიაგრამა 1).

დიაგრამა 1

ხართ თუ არა დასაქმებული ანაზღაურებად სამსახურში? (%)




გამოკითხვამ ასევე გამოავლინა, რომ რესპონდენტთა თითქმის ნახევარი (48%) სწავლობს თბილისის სახელმწიფო უნივერსიტეტში, ხოლო 21% ილიას სახელმწიფო უნივერსიტეტის სტუდენტია. გამოკითხულ მოხალისეთა მომავალი პროფესიებიდან ჭარბობს სოციოლოგიისა (15%) და ფსიქოლოგიის (14%) დარგები.

მოხალისეთა საქმიანობა

გამოკითხულ მოხალისეთა მოტივაციის დასადგენად რესპონდენტებს დავუსვით კითხვა, თუ რატომ გადაწყვიტეს მოხალისეობა. დაახლოებით ერთმა მესამედმა (32%) აღნიშნა რომ მათთვის პიროვნული თვისებებისა და უნარების განვითარება იყო მთავარი მიზეზი, ხოლო 30%-მა მოხალისედ დაიწყო მუშაობა, რადგან თვლიდა, რომ აღნიშნული გამოცდილება სამომავლო კარიერისთვის გამოადგებოდა. ასევე აღსანიშნავია, რომ გამოკითხულთა 21%-მა მოხალისედ მუშაობის მთავარ მოტივაციად დაასახელა კეთილი საქმის უანგაროდ კეთების სურვილი (იხ. დიაგრამა 2).

დიაგრამა 2




რესპონდენტთა დიდმა ნაწილმა დააფიქსირა, რომ თვეში საშუალოდ 5-დან 10 დღემდე მუშაობდნენ მოხალისედ, იმ პერიოდში, როდესაც ისინი აქტიურად იყვნენ ჩართულნი მოხალისეობრივ საქმიანობაში. ამავდროულად, გამოკითხულთა 65%-მა აღნიშნა, რომ ისინი მეტ დროს დაუთმობდნენ მოხალისეობას, თუკი მათ მეტი თავისუფალი დრო ექნებოდათ.

კვლევამ ასევე გვიჩვენა, რომ რესპონდენტთა უმრავლესობას (73%) ხშირად ან მუდმივად უწევდათ ურთიერთობა შეზღუდული შესაძლებლობის მქონე და სოციალურად დაუცველ ადამიანებთან მოხალისეობრივი საქმიანობის შესრულებისას. გამოკითხულ მოხალისეთა მხოლოდ 9%-მა, რომელიც წარმოადგენს

15 ადამიანს, თქვა, რომ მათ არასდროს ჰქონიათ ურთიერთობა ასეთ ადამიანებთან (იხ. დიაგრამა 3).


დიაგრამა 3

მოხალისეობრივი საქმიანობის შესრულებისას, რამდენად ხშირად გქონიათ ურთიერთობა შეზღუდული შესაძლებლობების მქონე პირებთან, მოხუცებთან, უსახლკარო ბავშვებთან ან სხვა სოციალურად დაუცველ ადამიანებთან? (%)




მათ შორის, ვისაც მოხალისეობის დროს ჰქონია ურთიერთობა შეზღუდული შესაძლებლობის მქონე პირებთან, მოხუცებთან, მზრუნველობას მოკლებულ ბავშვებთან და სხვა სოციალურად დაუცველ ადამიანებთან, ნახევარზე მეტი (53%) „ჰელფინგ ჰენდის“ მეშვეობით იღებდა ინფორმაციას იმ ურთიერთობის ფორმების შესახებ, რომლებიც მათ გამოადგებოდათ სოციალურად დაუცველ ადამიანებთან ურთიერთობისას, ხოლო დაახლოებით ერთი მესამედი (32%) აღნიშნულ ინფორმაციას დამოუკიდებლად პოულობდა (იხ. დიაგრამა 4).

მოხალისეობრივი საქმიანობის შესრულების დროს, როგორ იღებდით ინფორმაციას შეზღუდული შესაძლებლობების მქონე პირებთან, მოხუცებთან და უსახლკარო ბავშვებთან ურთიერთობის ფორმების შესახებ? (%)




აგრეთვე აღსანიშნავია, რომ რესპონდენტთა დაახლოებით ორი მესამედი (65%) თვლის, რომ შეზღუდული შესაძლებლობის მქონე პირებთან, მოხუცებთან, მზრუნველობას მოკლებულ ბავშვებთან და სხვა სოციალურად დაუცველ პირებთან მუშაობის დაწყებამდე აუცილებელია წინასწარ ფლობდნენ ინფორმაციას მათთან ურთიერთობის ფორმების შესახებ. ამ ინფორმაციის აუცილებლობის საჭიროებას ვერ ხედავს გამოკითხულთა მხოლოდ 2%, რომელიც სულ 3 ადამიანს წარმოადგენს. ამასთან, გამოკითხულ მოხალისეთა 44%-მა აღნიშნა, რომ მოხალისეობრივი საქმიანობის დაწყებამდე მათ უმეტეს შემთხვევაში სჭირდებოდათ გარკვეული ტრეინინგი ან დამატებითი ინფორმაციის მიწოდება (იხ. დიაგრამა 5).

თქვენი გამოცდილებით, მოხალისეობრივი საქმიანობის დაწყებამდე რამდენად გჭირდებათ სპეციალური მომზადება/დამატებითი ინფორმაციის მიწოდება/დამატებითი ტრეინინგები მოხალისეობრივი საქმიანობების უკეთ შესასრულებლად? (%)



რესპონდენტთა ნახევარზე მეტს (56%) არასოდეს არ მოუწია მოხალისეობრივი საქმიანობის გაცდენა გზის ფულის არქონის გამო. მსგავსი მატერიალური პრობლემა გამოკითხულთა 36%-ს იშვიათად შეემთხვა, ხოლო 8%-მა აღნიშნა, რომ მათ ხშირად უწევდათ მოხალისეობრივი საქმიანობის გაცდენა გზის ფულის არქონის გამო. ამავდროულად, რესპონდენტთა 39%-ის აზრით, ორგანიზაციამ აუცილებლად უნდა უზრუნველყოს მცირე ფინანსური წახალისება მოხალისეებისთვის, რომელიც მათი გადაადგილებისა და კვების ხარჯებს დაფარავს მოხალისეობრივი სამუშაოს შესრულების დროს. გამოკითხულ მოხალისეთა ნახევარზე ოდნავ მეტი (54%) მსგავს წახალისებას სასურველად მიიჩნევს, თუმცა არა აუცილებლად (იხ. დიაგრამა 6).


თქვენი აზრით აუცილებელია თუ არა, რომ მოხალისეებს ჰქონდეთ მცირე ფინანსური წახალისება ორგანიზაციის მხრიდან, რათა მათ უზრუნველყონ გადაადგილების და კვების ხარჯები მოხალისეობრივი სამუშაოების შესრულების დროს? (%)



მოხალისეობა „ჰელფინგ ჰენდის“ პარტნიორ ორგანიზაციებში

გამოკითხვის მესამე ბლოკში გამოიკვეთა გამოკითხულ მოხალისეთა ჩართულობა მოხალისეობრივ საქმიანობაში და მათი დამოკიდებულება „ჰელფინგ ჰენდის“ პარტნიორი ორგანიზაციებისადმი. დადგინდა, რომ რესპონდენტთა უმრავლესობა (77%) ყოფილა მოხალისე „ჰელფინგ ჰენდის“ სულ მცირე ერთ პარტნიორ ორგანიზაციაში. რესპონდენტთა ამ ჯგუფის შესახებ თუ ვისაუბრებთ, მათ 72%-ს მოხალისედ უმუშავია სოციალური თერაპიის სახლში, ხოლო 64%-ს – სათნოების სახლ „კათარზისში“ (იხ. დიაგრამა 7).


მოხალისეობდით თუ არა აღნიშნულ ორგანიზაციაში? (%)



ამასთან ერთად, გამოვლინდა, რომ იმ რესპონდენტთა 70%-ს, რომლებიც იყვნენ ჩართულნი პარტნიორი ორგანიზაციების საქმიანობაში, საერთოდ არ შეეძინათ რამე პრობლემა აღნიშნულ ორგანიზაციებთან. ხოლო ერთმა მეოთხედმა (25%) აღნიშნა, რომ მათ იშვიათად ექმნებოდათ პრობლემები პარტნიორ ორგანიზაციებთან. ამ ქვეჯგუფის წარმომადგენლების მიერ ძირითად პრობლემებად დასახელდა სათანადო ინფორმაციის დროულად არ მიწოდება, სოციალურად დაუცველ პირებთან ურთიერთობის სირთულე, და ორგანიზაციის ხელმძღვანელობასთან კომუნიკაციის სირთულე. პრობლემის არსებობის შემთხვევაში, გამოკითხულთა ნაწილი თავად ცდილობდა მის მოგვარებას, ნაწილს „ჰელფინგ ჰენდის“ კოორდინატორები ეხმარებოდნენ.

გამოკითხულ მოხალისეთა მიერ პარტნიორი ორგანიზაციებისადმი დამოკიდებულება დადებითად შეფასდა. თითქმის ნახევრის (46%) აზრით, „ჰელფინგ ჰენდის“ პარტნიორი ორგანიზაციები ყოველთვის გამოხატავდნენ მაღლიერებას მათ მიერ შესრულებული სამუშაოთი. აგრეთვე, რესპონდენტთა 44%-მა აღნიშნა, რომ პარტნიორ ორგანიზაციებში მოხალისეობისას მათი მოლოდინები მოხალისეობრივი საქმიანობისადმი სრულიად გამართლდა. ამ მოსაზრებას გამოკითხულთა მხოლოდ 7% არ დაეთანხმა. მათი მოლოდინები ნაკლებად გამართლდა, ან საერთოდ არ გამართლდა (იხ. დიაგრამა 8).

რამდენად გამოხატავდნენ პარტნიორი ორგანიზაციები
მადლიერების გრძნობას თქვენს მიერ შესრულებული
საქმიანობისთვის? (%)




აღსანიშნავია, რომ გამოკითხულთა აბსოლუტურმა უმრავლესობამ (99%) დააფიქსირა, რომ ისინი ურჩევდნენ საკუთარ მეგობარს მსგავს მოხალისეობრივ საქმიანობაში ჩართვას, რომლითაც თავად იყვნენ დაკავებული.

მოხალისეობა „ჰელფინგ ჰენდში“ - განწყობები და დამოკიდებულებები


ბოლო ბლოკი დაეთმო თავად ორგანიზაცია „ჰელფინგ ჰენდს“. გამოკითხულთა უმრავლესობამ (60%) ორგანიზაციის შესახებ მეგობრებისგან შეიტყო (იხ. დიაგრამა 9). აგრეთვე დიდი ნაწილი (85%) კმაყოფილი დარჩა „ჰელფინგ ჰენდში“ მოხალისეობით.

საიდან შეიტყვეთ ორგანიზაცია „ჰელფინგ ჰენდის“ შესახებ? (%)




თუმცა, რესპონდენტთა შეფასებით, ვლინდება, რომ მათი მოხალისეობა ორგანიზაციაში უფრო პასიური გახდა ბოლო პერიოდში, ვიდრე ის იყო იმ დროს, როდესაც მათ მოხალისეობა დაიწყეს. გამოკითხულთა დაახლოებით მესამედმა (38%) აღნიშნა, რომ ისინი ორგანიზაცია „ჰელფინგ ჰენდში“ ახლა ნაკლებად აქტიურად არიან ჩართულნი, ვიდრე ისინი იყვნენ, როდესაც ორგანიზაციაში გაწევრიანდნენ. ხოლო 22%-მა აღნიშნა რომ ისინი საერთოდ აღარ მოხალისეობდნენ (იხ. დიაგრამა 10). მიუხედავად ამისა, უმრავლესობამ (93%) აღინიშნა, რომ ისინი მომავალშიც გააგრძელებენ ორგანიზაციაში მოხალისეობას. აღსანიშნავია, რომ ამ გამოკითხულთა უმრავლესობაში ირიცხებიან, ის მოხალისეებიც, რომელთა მოხალისეობრივი საქმიანობა პასიური გახდა.

თქვენი შეფასებით, რამდენად აქტიურად მოხალისეობთ
„ჰელფინგ ჰენდში“? (%)



დამატებით გამოიკვეთა, თუ რა საკითხები მოსწონთ, თუ მოსწონდათ რესპონდენტებს ორგანიზაციასთან თანამშრომლობისას. პროცენტული მაჩვენებლები თითქმის თანაბრად გადანაწილდა და აღმოჩნდა, რომ რესპონდენტებს ყველაზე მეტად მოსწონდათ ორგანიზაციაში დაგეგმილი ღონისძიებები (35%), მას მოსდევს პარტნიორ ორგანიზაციებთან თანამშრომლობა (29%) და „ჰელფინგ ჰენდის“ პარტნიორი ორგანიზაციების თანამშრომლები და მოხალისეები – ანუ ის ადამიანები, ვისთანაც მათ უშუალო შეხება ჰქონდათ (27%). ხოლო „ჰელფინგ ჰენდში“ სამუშაო გარემო გამოკითხულთა მხოლოდ 8%-მა აღნიშნა. აქვე აღსანიშნავია, რომ, რესპონდენტთა აზრით, ორგანიზაციის მოხალისეთა შორის ძალიან მეგობრული ურთიერთობაა, ამ მოსაზრებას გამოკითხულთა 83% ეთანხმება. აგრეთვე, რესპონდენტთა ნახევარზე მეტმა (55%) თქვა, რომ მოხალისეები ხშირად ეხმარებიან ერთმანეთს სხვადასხვა ღონისძიებების დროს, 40%-მა კი დააფიქსირა, რომ მოხალისეები ყოველთვის მხარში უდგანან ერთმანეთს. გარდა ამისა, გამოკითხულთა აზრით, მოხალისეებს შორის იშვიათია კონკურენცია (იხ. დიაგრამა 11) და უმრავლესობამ (89%) აღიშნა, რომ მათ არასოდეს არ მოსვლიათ პირადი უთანხმოება სხვა მოხალისესთან. დამატებით, შეინიშნება რომ მოხალისეების გარკვეული ნაწილი, ასევე, ურთიერთობას აგრძელებს ერთმანეთთან ორგანიზაციის გარეთაც. დაახლოებით ერთმა მესამედმა (36%) დააფიქსირა, რომ მათ ხშირად აქვთ ურთიერთობა სხვა მოხალისეებთან ორგანიზაციის ფარგლებს მიღმა, ხოლო ნახევარზე მეტს (54%) იშვიათად აქვს კავშირი „ჰელფინგ ჰენდის“ სხვა მოხალისეებთან.

თქვენი აზრით, რამდენად ხშირად არის კონკურენცია
მოხალისეებს შორის? (%)



გამოკითხულმა მოხალისეებმა ასევე აღნიშნეს, თუ რის გაუმჯობესებას ისურვებდნენ ორგანიზაცია „ჰელფინგ ჰენდში“. უმრავლესობის აზრით, რომელიც 35% შეადგენს, პრიორიტეტულია ღონისძიებების რაოდენობის გაზრდა. ასევე, როგორც პირველი არჩევანი, დასახელდა სამუშაო პირობებისა და ინფრასტრუქტურის გაუმჯობესება (19%) და მატერიალური წახალისების დამატება მოხალისეებისათვის (19%). როგორც მეორე არჩევანი, დასახელებული იქნა კვლავ მატერიალური წახალისების შემოღება (37%), 29%-მა კი აქვე დასძინა, რომ ტრენინგების რაოდენობის გაზრდა იქნებოდა სასურველი.

საბოლოოდ, შეფასდა თავად „ჰელფინგ ჰენდის“ ხელმძღვანელობა და ორგანიზაციაში მიღებული გამოცდილება. გამოკითხულთა 72%-მა თქვა, რომ მათ კარგი ურთიერთობა აქვთ ორგანიზაციის ხელმძღვანელობასთან, დანარჩენმა 28% კი ეს ურთიერთობა ნეიტრალურად შეაფასა. აგრეთვე, დიდმა უმრავლესობამ (99%) აღნიშნა, რომ „ჰელფინგ ჰენდის“ ხელმძღვანელობა ზრუნავს საკუთარ მოხალისეებზე.

გამოკითხულთა ერთ მესამედს (33%) ორგანიზაციაში მიღებული გამოცდილება დაეხმარა სამსახურის პოვნაში, ხოლო 40%-მა ვერ განსაზღვრა, თუ რამდენად გამოსადეგი იყო მიღებული გამოცდილება ახალი სამსახურის დასაწყებად. თუმცა, ორ მესამედზე მეტმა (71%) აღნიშნა, რომ მათი რჩევით მეგობარმა დაიწყო მოხალისედ საქმიანობა ორგანიზაცია „ჰელფინგ ჰენდში“.

დასკვნა

რესპონდენტებისათვის მოხალისეობა პიროვნული უნარების განვითარებასა და კეთილი საქმის უანგაროდ კეთების სურვილთანაა დაკავშირებული, თუმცა მათი უმრავლესობა ორგანიზაციის მხრიდან მცირე ფინანსური წახალისების მიღების მომხრეა, რაც ერთგვარად შეამცირებს მათი კვებისა და სატრანსპორტო ხარჯებს.

საერთო ჯამში, „ჰელფინგ ჰენდის“ მოხალისეები კმაყოფილები არიან ორგანიზაციით და მათი ხელმძღვანელობით. აგრეთვე, გამოკითხულთა დაახლოებით მესამედს (35%) მოსწონს ორგანიზაციის მიერ დაგეგმილი ღონისძიებები. თუმცა, რესპონდენტების აზრით, სასურველი იქნებოდა, თუ „ჰელფინგ ჰენდი“ გაზრდიდა ღონისძიებებისა და ტრეინინგების რაოდენობას. ასევე, დადებითად შეფასდა პარტნიორი ორგანიზაციები, რომლებთანაც გამოკითხულთა 77%-ს ჰქონია ურთიერთობა.

აღსანიშნავია ის ფაქტიც, რომ მოხალისეობრივი საქმიანობა გამოკითხულთა ერთ მესამედს დაეხმარა სამსახურის პოვნაში.

მეორე კომპონენტი

კვლევის მიზანი

კვლევის მიზანია დადგინდეს თბილისის უნივერსიტეტების სტუდენტების ჩართულობის დონე მოხალისეობრივ საქმიანობაში. ასევე – გაირკვეს, თუ რამდენად ინფორმირებულები არიან ახალგაზრდები იმ ორგანიზაციებისა თუ ღონისძიებების შესახებ, რომლებიც ხელს უწყობენ მოხალისეობრივი ინსტიტუტის დანერგვას საქართველოში. აგრეთვე, კვლევა მიმართულია, რომ გაირკვეს თუ რა ფაქტორები განაპირობებენ სტუდენტთა დაინტერესებას მოხალისეობრივი საქმიანობით და, პირიქით, რა გარემოებები უშლის ხელსმათ ჩართულობას ამ საქმიანობაში. გარდა ამისა, ყურადღება აგრეთვე ეთმობა ზოგადად მოხალისეობისადმი დამოკიდებულებას სტუდენტების მხრიდან და, საერთოდ, მისი დანერგვის საჭიროებას საქართველოში.

კვლევის მეთოდოლოგია

თავდაპირველად დაგეგმილი იყო თბილისის ყველა აკრედიტებული სახელმწიფო უნივერსიტეტის სტუდენტების წარმომადგენლობითი შერჩევის გამოკითხვა. თუმცა, შერჩევის დროს თავი იჩინა რამდენიმე პრობლემამ. სტუდენტთა შერჩევა სტუდენტთა სიების საფუძველზე უნდა მომხდარიყო. მიუხედავად იმისა, რომ ასეთი სიები ყველა აკრედიტებულ უნივერსიტეტს აქვს, ზოგმა მათგანმა უარი თქვა ამ სიების მოწოდებაზე, მიუხედავად იმისა, რომ ისინი ინფორმირებული იყვნენ როგორც გამოკითხვის მიზნების შესახებ, ასევე იმის თაობაზე, რომ გამოკითხულ სტუდენტთა ვინაობა ანონიმური დარჩებოდა.

თავდაპირველად ორგანიზაცია „ჰელფინგ ჰენდმა“ მიმართაგანათლების ხარისხის განვითარების ეროვნულ ცენტრს სიების მოთხოვნით, რაზეც უარი მივიღეთ. სიების მოპოვების მიზნით, ორგანიზაციამ მოამზადა კორესპოდენციები და ინდივიდუალურად მიმართა თბილისში არსებულ ყველა აკრედიტირებულ უმაღლესს სასწავლებელს. „ჰელფინგ ჰენდის“ თანამშრომლები შეხვდნენ უნივერსიტეტების ადმინისტრაციის წარმომადგენლებს, რათა დაერწმუნებინათ ისინი, რომ სიების მოწოდება შესაძლებელია საქართველოს ზოგადი ადმინისტრაციული კოდექსის III თავით დადგენილი წესების შესაბამისად.

ასეთი შეხვედრების შედეგად, სტუდენტთა სიები ორგანიზაციას მიაწოდა შემდეგმა უნივერსიტეტებმა:

1. ივ. ჯავახიშვილის სახელობის სახელმწიფო უნივერსიტეტი

2. საქართველოს ტექნიკური უნივერსიტეტი
3. სოხუმის სახელმწიფო უნივერსიტეტი
4. კავკასიის საერთაშორისო უნივერსიტეტი
5. თბილისის სახელმწიფო სამედიცინო უნივერსიტეტი
6. ილიას სახელმწიფო უნივერსიტეტი
7. საქართველოს ეროვნული უნივერსიტეტი (სეუ)
8. საქართველოს უნივერსიტეტი.

საბოლოო ჯამში, ორგანიზაციის ხელთ იყო 49867 სტუდენტთა სია, რომელთაგანაც შემთხვევითი წესით შეირჩა ბაკალავრიატის 1500 სტუდენტი. შერჩევა და, შესაბამისად, გამოკითხვის შედეგები, წარმომადგენლობითია ჩამოთვლილი უნივერსიტეტების ბაკალავრიატის სტუდენტებისთვის. შერჩეული სტუდენტებიდან 160-მა გამოკითხვაში მონაწილეობაზე უარი განაცხადა. შესაბამისად, გამოკითხულ იქნა ბაკალავრიატის 1340 სტუდენტი, რომელთა ასაკი 17-დან 29 წლამდე მერყეობს.

კითხვარი შედგებოდა 27 კითხვისგან მოხალისეობის შესახებ, რომელთაც წინ უძღვოდა 7-კითხვიანი დემოგრაფიული ბლოკი. გამოკითხვა ჩატარდა პირისპირ ინტერვიუების მეშვეობით და გაგრძელდა ერთი თვის განმავლობაში, 2013 წლის 20 მაისიდან 20 ივნისის ჩათვლით.

კვლევის შედეგები

დემოგრაფიული მაჩვენებლები

გამოკითხვა თითქმის თანაბარი რაოდენობის მდედრობითი და მამრობითი რესპონდენტი (შესაბამისად, 52% და 48%). რესპონდენტთა შორის ჭარბობდნენ 20 და 21 წლის სტუდენტები (28% და 25%). გამოკითხულ სტუდენტთა შორის უმრავლესობა სწავლობდა ეკონომიკისა და ბიზნესის ფაკულტეტზე (19%), ასევე დასახელდა შემდეგი ფაკულტეტები: საბუნებისმეტყველო (13%), მედიცინა (12%) და სამართალმცოდნეობა (11%). რესპონდენტთა დიდი უმრავლესობა (69%) არ არის დასაქმებული ანაზღაურებად სამსახურში, თუმცა გამოკითხულთა ერთი მესამედის საშუალო თვიური დანახარჯი შეადგენს 151-დან 300 ლარამდე.


მოხალისეობა თბილისში

გამოკითხულ სტუდენტთა დაახლოებით ერთი მესამედისთვის (29%) მოხალისეობა ნიშნავს სიკეთის უანგაროდ კეთებას, ერთ მეოთხედს (21%) მიაჩნია, რომ მოხალისეობა თავისუფალი დროის სასარგებლოდ გამოყენებაა, ხოლო 18%-ისთვის მოხალისეობა პროფესიული უნარ-ჩვევების განვითარებასთან ასოცირდება. ამასთან, რესპონდენტთა დაახლოებით ორი მესამედი (59%) თვლის, რომ მოქალაქისთვის

მნიშვნელოვანია არაანაზღაურებადი მოხალისეობრივი საქმიანობის შესრულება (იხ. დიაგრამა 12).


დიაგრამა 12

როგორ ფიქრობთ, კარგი მოქალაქისთვის რამდენად მნიშვნელოვანია მოხალისეობრივი (არაანაზღაურებადი) საქმიანობის შესრულება? (%)



მოხალისეობის დონის შესაფასებლად, რესპონდენტებს ვკითხეთ, თუ მუშაობდნენ მოხალისედ გამოკითხვის ჩატარების პერიოდში, ან საერთოდ თუ ყოფილან ოდესმე მოხალისეები. დადგინდა, რომ გამოკითხვის პერიოდში გამოკითხულთა მხოლოდ 15% მოხალისეობდა. ხოლო მათ შორის, ვინც უარყოფითად უპასუხა ამ კითხვას, მხოლოდ 35% ყოფილა ადრე მოხალისეობრივ საქმიანობაში ჩართული. ყოფილი მოხალისეებიდან თითქმის ერთმა მესამედმა (28%) მოხალისეობის მოტივად სიკეთის უანგაროდ კეთების სურვილი დაასახელა, ხოლო თითქმის ერთი მეოთხედისთვის (18%) გამოცდილების მიღება იყო მთავარი მიზეზი (იხ. დიაგრამა 13). აგრეთვე გაირკვა, რომ მათ შორის, ვისაც უმოხალისია, ნახევარზე მეტი (54%) გარემოს დაცვაზე მიმართულ ღონისძიებებში იყო ჩართული, ხოლო 40% კულტურისა და ხელოვნების სფეროსთან დაკავშირებულ ღონისძიებებში იღებდა მონაწილეობას. ასევე, ყოფილ მოხალისეებს უმუშავიათ სფეროებში, როგორებიცაა განათლება (37%), ჯანდაცვა და სოციალური სფერო (35%), და სხვა.

რა იყო თქვენთვის მოხალისეობის მთავარი მოტივი?
(პროცენტული მაჩვენებელი გამოკითხულთა 35%-დან)




იმ რესპონდენტებს შორის, ვისაც არასდროს უმუშავია მოხალისედ, 71%-მა განაცხადა, რომ ისურვებდა მოხალისეობრივი საქმიანობის შესრულებას. აგრეთვე, მათ დაასახელეს სხვადასხვა სფეროები, რომლებშიც ისინი ისურვებდნენ მოხალისეობას. ამ სფეროებიდან ჭარბობს განათლება (19%), კულტურა და ხელოვნება (17%), ჯანდაცვა და სოციალური სფერო (15%), და ასევე გარემოს დაცვა (13%). აღსანიშნავია, რომ ამ რესპონდენტთა უმრავლესობისთვის, რომელთაც აქვთ სურვილი მოხალისედ იმუშავონ, სულ ერთია, თუ რა ტიპის სექტორში მოუწევთ მოხალისეობრივი სამუშაოს შესრულება (იხ. დიაგრამა 14).

იმ რესპონდენტებმა, რომლებმაც განაცხადეს, რომ ისინი არ ისურვებდნენ მოხალისეობრივი საქმიანობის შესრულებას, ამის მთავარ მიზეზად დაასახელეს საკმარისი დროის უქონლობა (51%). აგრეთვე, ამ გამოკითხულთა დაახლოებით ერთმა მეოთხედმა (23%) თქვა, რომ მათ უბრალოდ არ გააჩნიათ მოხალისეობის სურვილი. ხოლო 13%-მა მიზეზად დაასახელა ინფორმაციის უქონლობა არსებული შესაძლებლობების შესახებ.

აღსანიშნავია, რომ იმ რესპონდენტებმა, რომლებიც გამოკითხვის პერიოდში მოხალისეობდნენ, ასევე განაცხადეს, რომ დროის უკმარისობა არის მთავარი დამაბრკოლებელი მიზეზი, რომ მათ უფრო მეტი დრო დაუთმონ მოხალისეობას.

რომელ სექტორის მიერ შემოთავაზებულ მოხალისეობრივ
პროგრამებს მნიშვნელოვანი უპირატესობა? (%)



რესპონდენტებს ასევე დავუსვით კითხვები, თუ ზოგადად რას ფიქრობენ მოხალისეობის ინსტიტუტზე და, მათი აზრით, რამდენად მიშვნელოვანია, ან სასურველი მსგავსი ინსტიტუტის დანერგვა საქართველოში.

კითხვაზე, თუ რამდენად მნიშვნელოვანია მოხალისეობის ინსტიტუტის განვითარება ქართული საზოგადოებისთვის, გამოკითხულთა 69%-მა დადებითად უპასუხა. თუმცა, რესპონდენტთა ერთ მეოთხედს (25%) ნეიტრალური შეხედულება აქვს აღნიშნულ საკითხზე (იხ. დიაგრამა 15). ამასთან, გამოკითხულთა დაახლოებით ერთმა მეხუთედმა (18%) თქვა, რომ საერთოდ არაა საჭირო მოხალისეობა ისწავლებოდეს სასწავლო დაწესებულებაში, როგორც ერთ-ერთი საგანი. რესპონდენტთა 41%, პირიქით, მიიჩნევს, რომ ეს საჭიროა, 8%-მა კი აღნიშნა, რომ მსგავსი საგნის დამატება ძალიან სასურველია (იხ. დიაგრამა 16).


რესპონდენტებმა აგრეთვე დაასახელეს ის ფაქტორები, რამაც შეიძლება ხელი შეუწყოს ქართველ ახალგაზრდებში მოხალისეობის განვითარებას. გამოკითხულთა თითქმის ერთმა მესამედმა (29%) განაცხადა, რომ მოხალისეობის განვითარებას დაეხმარება ახალგაზრდული პროგრამების დანერგვა საქართველოში. ერთმა მეოთხედმა (25%) კი მთავარ ხელისშემწყობ ფაქტორად საზოგადოების ცნობიერების ამაღლება დაასახელა.

გამოკითხულ სტუდენტებს ასევე მოუყვანეს მაგალითი ამერიკის შეერთებული შტატების შესახებ, სადაც მოხალისეობის წახალისება პრეზიდენტის სპეციალური ჯილდოთი ხდება. მსგავსი ჯილდოს მფლობელ მოქალაქეებს ენიჭებათ


უპირატესობა სახელმწიფო სამსახურში დასაქმებისას და უმაღლეს სასწავლებელში სტიპენდიის მოპოვებისას. რესპონდენტთა უმრავლესობამ (64%) აღნიშნა, რომ მსგავსი ჯილდოს შემოღება ძალიან შეუწყობს ხელს მოხალისეობის კულტურის განვითარებას საქართველოში. გამოკითხულთა მხოლოდ 3%-მა თქვა, რომ მსგავსი ჯილდო არ შეუწყობს ხელს მოხალისეობის განვითარებას საქართველოში.

დიაგრამა 15

რამდენად მნიშვნელოვანია მოხალისეობის ინსტიტუტის განვითარება ქართული საზოგადოებისთვის? (%)




თქვენი აზრით, რამდენად სასურველია, რომ ისწავლებოდეს მოხალისეობა საგანმანათლებლო დაწესებულებაში, როგორც ერთ-ერთი საგანი? (%)



მნიშვნელოვანია აღვნიშნოთ, რომ რესპონდენტთა უმრავლესობა (93%) დაეთანხმა, რომ მოხალისეობა ხელს უწყობს პროფესიულ წინსვლას (იხ. დიაგრამა 17).

თქვენი აზრით, რამდენად უწყობს ხელს მოხალისეობა პროფესიულ წინსვლას? (%)



თუმცა, აღსანიშნავია, რომ, გამოკითხულთა აზრით, მოხალისეობის ინსტიტუტი არ არის ეფექტური საქართველოში. რესპონდენტთა დაახლოებით ერთმა მეხუთედმა (19%) განაცხადა, რომ მოხალისეობის ინსტიტუტი საქართველოში საერთოდ არაა ეფექტური. გამოკითხულთა ერთმა მესამედმა (34%) მსგავსი ინსტიტუტების ეფექტურობა ნეიტრალურად შეაფასა, და მხოლოდ 15%-მა დაინახა მოხალისეობის ინსტიტუტის ეფექტურობა.

გამოკითხვის შედეგად ასევე ირკვევა, რომ გამოკითხულთა ინფორმირებულობა მოხალისეობრივი ღონისძიებებისა თუ ორგანიზაციების შესახებ საკმაოდ დაბალია. რესპონდენტთა მხოლოდ დაახლოებით ნახევარს (46%) სმენია იმ ორგანიზაციების შესახებ, რომლებიც ახალგაზრდებს მოხალისეობრივ საქმიანობასსთავაზობენ. ამასთან, გამოკითხულ სტუდენტთა დიდ ნაწილს (65%) არ გაუგია სახელმწიფოს მიერ წამოწყებული მოხალისეობრივი პროგრამების შესახებ. ამ პროგრამების შესახებ სმენია და მონაწილეობა მიუღია გამოკითხულთა მხოლოდ 9%-ს. აგრეთვე, გამოკითხულთა საკმაოდ მცირე ნაწილი ფლობს ინფორმაციას საერთაშორისო მოხალისეობრივი პროგრამების შესახებ. ამ საერთაშორისო პროგრამებში მონაწილეობა მიუღია გამოკითხულთა მხოლოდ 6%-ს, და რესპონდენტთა უმრავლესობას (70%) არც კი სმენია აღნიშნული პროგრამის შესახებ.

ასევე, გამოიკვეთა, რომ რესპონდენტთა უმრავლესობას (72%) არ სმენია ორგანიზაცია „ჰელფინგ ჰენდის“ შესახებ. გამოკითხულთა დაახლოებით ერთ მეოთხედს (24%) გაუგია ამ ორგანიზაციის შესახებ, თუმცა მათ აღნიშნეს, რომ ისინი არ არიან გაწევრიანებულნი ამ ორგანიზაციაში. „ჰელფინგ ჰენდში“ რესპონდენტთა მხოლოდ 5% აღმოჩნდა გაწევრიანებული. აგრეთვე, გამოკითხულთა მხოლოდ 12%-მა თქვა, რომ ისინი იღებენ მონაწილეობას ამ ორგანიზაციის მიერ გამართულ ღონისძიებებში.

შემაჯამებელი დასკვნა

კვლევის მიზანი იყო შეგვესწავლა ახალგაზრდების დამოკიდებულება მოხალისეობისადმი და აგრეთვე დაგვედგინა, თუ რა ფაქტორები განაპირობენ ახალგაზრდების ჩართულობას მოხალისეობრივ საქმიანობაში.

კვლევამ კიდევ ერთხელ გვიჩვენა, რომ ახალგაზრდების მოხალისეობის დონე თბილისში საკმაოდ დაბალია. ამის ერთ-ერთ მთავარ მიზეზად უნდა მივიჩნიოთ ახალგაზრდების არაინფორმირებულობა იმ ორგანიზაციებისა, თუ ღონისძიებების შესახებ, რომლებიც მოხალისეობრივ საქმიანობას სთავაზობენ. აღსანიშნავია, რომ ახალგაზრდების უმრავლესობამ გამოთქვა მზადყოფნა მოხალისეობრივ საქმიანობაში ჩართულიყო, თუმცა ასევე დიდმა ნაწილმა აღნიშნა, რომ დროის სიმცირის გამო ისინი ვერ ახერხებენ დამატებითი საქმიანობით დაკავდნენ.

სამწუხაროდ, აგრეთვე ვლინდება, რომ თავად მოხალისეებს შორის ნელ-ნელა იკლებს მოტივაცია მოხალისეობრივი საქმიანობის შესრულებისადმი. ისმოხალისეები, რომლებიც გაწევრიანებულნი იყვნენ ორგანიზაცია „ჰელფინგ ჰენდში“, დროთა განმავლობაში უფრო პასიურები ხდებიან ამ უანგარო საქმიანობის კეთების თვალსაზრისით. ამის მთავარ მიზეზად აქაც დროის ნაკლებობა სახელდება. თუმცა, გამოკითხვის შედეგები აგრეთვე გვიჩვენებს, რომ მოხალისეებს სურთ გარკვეული წახალისება იმ ორგანიზაციისგან, რომელთანაც თანამშრომლობენ. ამ წახალისებაში იგულისხმება მცირედი ფულადი დახმარება, რომელიც დაფარავს გზისა და კვების ხარჯებს, ან გარკვეული ჯილდო, რომელიც მომავალში მათ უპირატესობას მიანიჭებს უმაღლეს სასწავლებელში ჩაბარებისას თუ სტიპენდიის მიღებისას.

გარდა ამისა, „ჰელფინგ ჰენდის“ მოხალისეებმა ასევე გამოთქვეს სურვილი გაზრდილიყო მოხალისეობრივი ღონისძიებების რაოდენობა, რაც უფრო მრავალფეროვანსა და საინტერესოს გახდიდა მოხალისეობრივ საქმიანობას. დამატებით, ვლინდება, რომ მოხალისეები, რომელთაც ურთიერთობა ჰქონიათ შეზღუდული შესაძლებლობის მქონე პირებთან, მოხუცებთან, მზრუნველობას მოკლებულ ბავშვებთან და სხვა სოციალურად დაუცველ პირებთან, თვლიან, რომ საჭიროა წინასწარ ფლობდნენ ინფორმაციას ამ ხალხთან ურთიერთობის ფორმების შესახებ.

დანართი

უნივერსიტეტების სია

უნივერსიტეტების სია, რომელთა სტუდენტებიც იყვნენ გამოკითხულნი კვლევის მეორე კომპონენტში:

№	სახელწოდება	ვებ-გვერდი
1	ივ. ჯავახიშვილის სახელობის სახელმწიფო უნივერსიტეტი	http://www.tsu.edu.ge
2	საქართველოს ტექნიკური უნივერსიტეტი	http://gtu.ge
3	სოხუმის სახელმწიფო უნივერსიტეტი	http://sou.edu.ge
4	კავკასიის საერთაშორისო უნივერსიტეტი	http://www.ciu.edu.ge
5	თბილისის სახელმწიფო სამედიცინო უნივერსიტეტი	http://www.tsmu.edu
6	ილიას სახელმწიფო უნივერსიტეტი	http://www.iliauni.edu.ge
7	საქართველოს ეროვნული უნივერსიტეტი (სეუ)	http://seu.edu.ge
8	საქართველოს უნივერსიტეტი	http://ug.edu.ge

პირველი კომპონენტის კითხვარი

მოგესალმებით.

გთხოვთ, შეავსოთ კითხვარი მოხალისეობის შესახებ და ყურადღებით უპასუხოთ ქვემოთ მოცემულ კითხვებს. თქვენი პასუხები სრულად ანონიმური დარჩება.

დიდი მადლობა დახმარებისთვის.

ნაწილი A. შემდეგი კითხვები გეხებათ პირადად თქვენ.

A1. თქვენი სქესი:

1. მდედრობითი 2. მამრობითი

A2. რამდენი წლის ხართ?

ჩაწერეთ: _____

A3. იმყოფებით თუ არა ამჟამად ქორწინებაში?

1. დიახ
2. არა
3. მიჭირს პასუხის გაცემა

A4. გყავთ თუ არა შვილი/შვილები?

1. დიახ
2. არა

A5. ხართ თუ არა დასაქმებული ანაზღაურებად სამსახურში?

1. დიახ, სრულ განაკვეთზე
2. დიახ, ნახევარ განაკვეთზე
3. დიახ, დროებით/შემთხვევით / სეზონურ სამსახურში
4. არ ვარ დასაქმებული

A6. რა არის თქვენი განათლება? (გთხოვთ, პასუხები ჩაწეროთ შესაბამის უჯრებში).

A6.1 სასწავლებელი	A6.2 კურსი/კლასი	A6.3 სპეციალობა(სტუდენტებისთვის)	A6.4 ხარისხი(სტუდენტებისთვის)

A7. გთხოვთ გვითხრათ, რა იყო თქვენი პირადი საშუალო თვიური დანახარჯი ლარში ბოლო 12 თვის მანძილზე?

1. 0-დან 150 -მდე
2. 151-დან 300-მდე
3. 301-დან 450-მდე
4. 451-დან 600-მდე
5. 601 და მეტი

ნაწილი B. ეს თავი მოიცავს კითხვებს მოხალისეობის შესახებ. გთხოვთ, გვიპასუხოთ მათზე.

B1. რატომ გადაწყვიტეთ მოხალისეობა? (დააფიქსირეთ მაქსიმუმ ორი ყველაზე მნიშვნელოვანი პასუხი).

1. მომავალში გამომადგებოდა დასაქმებისთვის
2. პიროვნული თვისებების/უნარების განვითარებისათვის
3. ახალი მეგობრების შეძენისთვის
4. კეთილი საქმის უანგაროდ კეთებისთვის
5. თავისუფალი დროის სასარგებლოდ გამოყენების მიზნით
6. პროფესიული უნარების განვითარებისთვის
7. სერტიფიკატის მიღების მიზნით
8. სხვა

B2.იმ პერიოდზე თუ ვისაუბრებთ, როდესაც აქტიურად იყავით ჩართული მოხალისეობრივ საქმიანობებში, თვეში საშუალოდ რამდენ დღეს მოხალისეობდით?

..... დღე

B3. რა შემთხვევაში დაუთმობდით მეტ დროს მოხალისეობას?

1. თუ მექნებოდა მეტი თავისუფალი დრო
2. ორგანიზაცია თუ მომცემდა ამის საშუალებას
3. უკეთესი პირობები თუ იქნებოდა
4. მომავალში თუ გამომადგებოდა რაიმეში
5. საკმარის დროს ვუთმობ მოხალისეობას
6. თუ ტრანსპორტის ან კვების ხარჯებს ამინაზღაურებდნენ
7. სხვა.....

B3. მოხალისეობრივი საქმიანობის შესრულებისას, რამდენად ხშირად გქონიათ ურთიერთობა შეზღუდული შესაძლებლობის მქონდე პირებთან, მოხუცებთან, უსახლკარო ბავშვებთან ან სხვა სოციალურად დაუცველ ადამიანებთან?

1. მუდმივად
2. ხშირად
3. იშვიათად
4. არასდროს

(B3კითხვის მე-4 პასუხის შემთხვევაში გამოტოვეთ შემდეგი(B4)კითხვა)

B4.მოხალისეობრივი საქმიანობის შესრულების დროს, როგორ იღებდით ინფორმაციას შეზღუდული შესაძლებლობის მქონე პირებთან, მოხუცებთან და უსახლკარო ბავშვებთან ურთიერთობის ფორმების შესახებ?

1. „ჰელფინგ ჰენდის“ თანამშრომლებისგან / კოორდინატორებისგან
2. პარტიორი ორგანიზაციის თანამშრომლებისგან
3. დამოუკიდებლად, ჩემით
4. საერთოდ არ მიმიღია ინფორმაცია

B5. როგორ ფიქრობთ, აუცილებელია თუ არა წინასწარ გარკვეული ინფორმაციის ფლობა შეზღუდული შესაძლებლობის მქონდე პირებთან, მოხუცებთან, უსახლკარო ბავშვებთან ან სხვა სოციალურად დაუცველ ადამიანებთან მუშაობის დაწყებამდე?

1. აუცილებელია
2. არ არის აუცილებელი, თუმცა სასურველია
3. საერთოდ არ არის აუცილებელი

B6. თქვენი გამოცდილებით, მოხალისეობრივი საქმიანობის დაწყებამდე რამდენად გჭირდებათ სპეციალური მომზადება/დამატებითი ინფორმაციის მიწოდება/დამატებითი ტრენინგები მოხალისეობრივი საქმიანობების უკეთ შესასრულებლად?

1. დიახ, ყოველთვის მჭირდება
2. უმეტეს შემთხვევაში მჭირდება, მაგრამ არა ყოველთვის
3. იშვიათად მჭირდება
4. არასოდეს დამჭირვებია

B7. თქვენი აზრით, ვინ უნდა დაარეგულიროს ურთიერთობა მოხელისესა და ორგანიზაციას შორის? (შეგიძლიათ მონიშნოთ რამდენიმე პასუხი).

1. კანონმა მოხალისეობის შესახებ
2. “ჰელფინგ ჰენდმა“
3. თავად მოხალსეებმა
4. პარტნიორმა ორგანიზაციებმა
5. ხელშეკრულებამ მოხალისესა და ორგანიზაციას შორის უფლებამოსილების შესახებ
6. სხვა.....

B8. რამდენად ხშირად ვერ ახერხებდით მოხალისეობრივი საქმიანობის შესრულება გზის ფულის არქონის გამო?

1. ხშირად
2. იშვიათად
3. არ მქონია ასეთი შემთხვევა

B9. თქვენი აზრით აუცილებელია თუ არა, რომ მოხალისეებს ჰქონდეთ მცირე ფინანსური წახალისება ორგანიზაციის მხრიდან, რათა მათ უზრუნველყონ გადაადგილების და კვების ხარჯები მოხალისეობრივი სამუშაოების შესრულების დროს?

1. აუცილებელია
2. არ არის აუცილებელი, თუმცა სასურველია
3. საერთოდ არ არის აუცილებელი

B10.რამდენად ხშირად შეუშლია ხელი ორგანიზაციაში არსებულ ინფრასტრუქტურულ პირობებს თქვენთვის მოხალისეობრივი საქმიანობის შესრულებაში?

1. ყოველთვის მიშლის ხელს
2. ხშირად მიშლის ხელს
3. იშვიათად მიშლის ხელს
4. არასდროს შეუშლია ხელი

B11. რა არის თქვენთვის მოხალისეობა?(შეგიძლიათ მონიშნოთ რამდენიმე პასუხი).

1. მომავალში დასაქმების შესაძლებლობების გაზრდა
2. პიროვნული თვისებების/უნარების განვითარების ხელშეწყობა
3. ახალი მეგობრების შეძენა
4. კეთილი საქმის უანგაროდ კეთება
5. თავისუფალი დროის სასარგებლოდ გამოყენება
6. პროფესიული უნარების განვითარების ხელშეწყობა
7. სერთიფიკატის მიღების საშუალება
8. სხვა

B12. გთხოვთ გვითხრათ, რომელ სფეროებში ისურვებდით მოხალისეობას?

- 1.განათლება
- 2.კულტურა/ხელოვნება
- 3.ჯანდაცვა და სოციალური სფერო
- 4.სამართალი/ადამიანის უფლებების დაცვა
- 5.სამშენებლო-სარესტავრაციო სამუშაოები
- 6.მშვიდობის პროპაგანდა/კონფლიქტების რეგულირება

7.გარემოს დაცვა

8.ტურიზმი

9.სპორტში

10.სხვა....(ჩაწერეთ)

ნაწილი C. შემდეგი კითხვები ეხება მოხალისეობას „ჰელფინგ ჰენდის“ პარტნიორ ორგანიზაციებში.

C1. მოხალისეობდით თუ არა ოდესმე „ჰელფინგ ჰენდის“ პარტნიორ ორგანიზაციებში გარკვეული პერიოდის განმავლობაში („კათარზისი“, „სოციალური თერაპიის სახლი“, „რაიდმედი“ და ა.შ)?

1. დიახ
2. არა

(თუ **C1** კითხვაზე თქვენი პასუხი იყო „არა“, გამოტოვეთ ნაწილი C და გადადით ნაწილზე **D**).

გთხოვთ, შეავსეთ ქვემოთ მოცემული ცხრილი.

ორგანიზაციის დასახელება	C2. მოხალისეობდით თუ არა აღნიშნულ ორგანიზაციაში? 1. დიახ 2. არა <i>თუ დიახ, უპასუხეთ C3-ს ამ ორგანიზაციისთვის.</i>	C3. 5 ბალიან სკალაზე შეაფასეთ ამ ორგანიზაციით თქვენი კმაყოფილების დონე სადაც 1 ნიშნავს ძალიან უკმაყოფილოს ხოლო 5 ნიშნავს ძალიან კმაყოფილს.
სოციალური თერაპიის სახლი		
სათნოების სახლი „კათარზისი“		
ასოციაცია „ანიკა“		
“მშობელთა თანადგომა”		
შეზღუდული		

შესაძლებლობების კავშირი „ია“		
სამოქალაქო საზოგადოების განვითარების ცენტრი „CSDC“		
ტრენერთა საკვალიფიკაციო ცენტრი		
საქართველოს გარემოს დაცვის სამინისტრო		
“რაიმედი“		
სტუდია „ეი-დი-სი“		
სხვა_____		

C4.რამდენად ხშირად გექმნებოდათ რაიმე სახის პრობლემა „ჰელპინგ ჰენდის“პარტნიორ ორგანიზაციებში მოხალისეობისას?

1. ყოველთვის მექმნებოდა
2. ხშირად მექმნებოდა
3. იშვიათად მექმნებოდა
4. საერთოდ არ მექმნებოდა

(C4კითხვაზე მე-4 პასუხის შემთხვევაში გამოტოვეთ C5, C6 და C7 კითხვები).

C5. „ჰელფინგ ჰენდ“-ის პარტნიორ ორგანიზაციებში მოხალისეობისას რა ტიპის პრობლემები შეგქმნიათ?

	დიახ	არა
მიწევდა უფრო მეტი საქმის შესრულება, ვიდრე მევალებოდა		
მიჭირდა ურთიერთობა მოხუცებთან, შეზღუდული შესაძლებლობების პირებთან, ბავშვებთან და ა.შ		
მიჭირდა ურთიერთობა ორგანიზაციის ხელმძღვანელობასთან		
არ მომაწოდეს სათანადო ინფორმაცია მოხალისეობის დაწყებამდე		
ვერ ვასრულებდი დაკისრებულ მოვალეობებს		
სხვა_____		

C6. უმეტესწილად, რომელ ორგანიზაციებში შეგქმნიათ ეს პრობლემები?

(გთხოვთ, შესაბამის ხაზებში ჩაწეროთ ორგანიზაციის სახელი).

ორგანიზაცია 1

ორგანიზაცია 2

C7. ძირითადად, როგორ აგვარებდით თქვენს მიერ ზემოთ დასახელებულ პრობლემებს?

1. ვცდილობდი ჩემით გავმკლავებოდი კონფლიქტურ სიტუაციას
2. მეხმარებოდნენ ორგანიზაციის თანამშრომლები
3. მეხმარებოდნენ „ჰელფინგ ჰენდის“ კოორდინატორები
4. მეხმარებოდნენ სხვა მოხალისეები
5. ვერ მოვაგვარე და წამოვედი აღნიშნული ორგანიზაციიდან / შევცვალე ორგანიზაცია
6. თავი დავანებე მოხალისეობას
7. სხვა

C8. რამდენად გამოხატავდნენ პარტნიორი ორგანიზაციები მაღლიერების გრძნობას თქვენს მიერ შესრულებული საქმიანობისთვის?

1. ყოველთვის გამოხატავდნენ
2. ხშირად გამოხატავდნენ
3. იშვიათად გამოხატავდნენ
4. არასდროს არ გამოხატავდნენ

C9. რამდენად გამართლდა თქვენი მოლოდინები „ჰელპინგ ჰენდის“ პარტნიორ ორგანიზაციებთან მოხალისეობის დროს?

1. სრულიად გამართლდა
2. უფრო გამართლდა ვიდრე არ გამართლდა

3. უფრო არგამართლდა ვიდრე გამართლდა
4. საერთოდ არ გამართლდა

C10. ურჩევდით თუ არა თქვენს მეგობარს ამ ტიპის მოხალისეობრივ საქმიანობებში ჩართვას (ზემოთ მოცემულ ორგანიზაციებში მოხალისეობას გარკვეული დროის განმავლობაში)?

1. დიახ
2. არა

C11. თუ არა, რატომ?

.....

ნაწილი D. შემდეგი კითხვები ეხება „ჰელფინგ ჰენდს“ და თქვენს მოხალისეობას „ჰელფინგ ჰენდში“.

D1. საიდან შეიტყვეთ ორგანიზაცია „ჰელფინგ ჰენდის“ შესახებ?

1. ინტერნეტის საშუალებით
2. მეგობრებისგან
3. თავად ორგანიზაციის მიერ ჩატარებული პრეზენტაციებით
4. თავად ორგანიზაციის მიერ გამართული ღონისძიებებიდან
5. სხვა

D2. თქვენი შეფასებით, რამდენად აქტიურად მოხალისეობთ „ჰელფინგ ჰენდში“?

1. საერთოდ აღარ ვმოხალისეობ
2. არც თუ ისე აქტიურად
3. არც აქტიურად, არც პასიურად
4. აქტიურად
5. ძალიან აქტიურად

D3. რამდენად კმაყოფილი ხართ „ჰელფინგ ჰენდში“ მოხალისეობით?

1. ძალიან უკმაყოფილო
2. უკმაყოფილო

3. არც უკმაყოფილო, არც კმაყოფილი
4. კმაყოფილი
5. ძალიან კმაყოფილი

D4. რა მოგწონთ „ჰელფინგ ჰენდში“, როგორც ორგანიზაციაში ყველაზე მეტად?

1. ორგანიზაციის თანამშრომლები/სხვა მოხალისეები
2. ორგანიზაციის მიერ დაგეგმილი ღონისძიებები
3. სამუშაო გარემო
4. პარტნიორ ორგანიზაციებთან თანამშრომლობა

D5. თქვენი შეფასებით, რას გააუმჯობესებდით „ჰელფინგ ჰენდში“?

(შეგიძლიათ შემოხაზოთ მაქსიმუმ ორი ყველაზე მნიშვნელოვანი პრობლემა)

1. ღონისძიებების ნაკლებობას
2. სამუშაო პირობებს/ინფრასტრუქტურას
3. ურთიერთობებს მოხალისეებსა და სხვა თანამშრომლებს შორის
4. მატერიალური წახალისების არარსებობას
5. ინფორმაციის მიწოდებასთან/კოორდინირებასთან დაკავშირებულ პრობლემებს
6. ტრენინგების ნაკლებობას
7. სხვა.....

D6. „ჰელფინგ ჰენდის“ შემოთავაზებული პროგრამებიდან, რა სიხშირით იყავით ჩართული:

	ხშირად	იშვიათად	არასდროს
„ჰელფინგ ჰენდის“ ოფისში გარკვეული საქმეების კეთება			
პარტნიორ ორგანიზაციებში მოხალისეობა, რაც გარკვეული დროის მანძილზე გრძელდება			
ერთჯერადი მოხალისეობა/ერთჯერად აქციებში მონაწილეობის მიღება			
საინფორმაციო კამპანიებში მონაწილეობის მიღება			

D7. გთხოვთ, გაიხსენოთ ბოლოს რამდენი თვის წინ მიიღეთ მონაწილეობა ზემოთ ჩამოთვლილი პროგრამებიდან ერთ-ერთში?

D8. ძირითადად, საიდან იღებთ ინფორმაციას „ჰელფინგ ჰენდის“ ღონისძიებებისა თუ სიახლეების შესახებ?

1. Facebook-ში არსებული ჯგუფის საშუალებით („მოხალისეთა ინკუბატორი“)
2. „ჰელფინგ ჰენდის“ ვებ-გვერდის საშუალებით
3. „ჰელფინგ ჰენდის“ თანამშრომლები თავად მიკავშირდებიან და მატყობინებენ
4. მე თვითონ დავდივარ ოფისში და იქ ვიგებ
5. სხვა.....

D9. მომავალში აპირებთ თუ არა გააგრძელოთ მოხალისეობა „ჰელფინგ ჰენდში“ ?

1. დიახ
2. არა

D10. თუ არა, რატომ? (გთხოვთ, ჩაწეროთ მიზეზი შესაბამის ველში).

.....

D11. დაგხმარებიათ თუ არა „ჰელფინგ ჰენდში“ მიღებული გამოცდილება სამსახურის პოვნაში?

1. დიახ
2. არა
3. არ ვიცი

D12. როგორ აღწერდით „ჰელფინგ ჰენდის“ მოხალისეებს შორის არსებულ ურთიერთობას? (შეგიძლიათ აღნიშნოთ მაქსიმუმ ორი პასუხი).

1. მოხალისეებს შორის ძალიან მეგობრული ურთიერთობაა
2. მოხალისეებს შორის მეგობრული ურთიერთობაა, თუმცა არსებობს გარკვეული პრობლემები
3. მოხალისეები უფრო მეტად ერთმანეთის კონკურენტები არიან

4. მოხალისეები არ არიან გახსნილები ერთმანეთის მიმართ
5. სხვა

D14. რამდენად ხშირად ეხმარებიან მოხალისეები ერთმანეთს სხვადასხვა ღონისძიებების დროს?

1. ყოველთვის ეხმარებიან
2. ხშირად ეხმარებიან
3. იშვიათად ეხმარებიან
4. არასდროს ეხმარებიან

D13. თქვენი აზრით, რამდენად ხშირად არის კონკურენცია მოხალისეებს შორის?

1. მუდმივად
2. ხანდახან
3. არასდროს

D15. რამდენად ხშირად მოგსვლიათ პირადად თქვენ უთანხმოება სხვა მოხალისესთან?

1. ხშირად მომსვლია
2. იშვიათად მომსვლია
3. არ მომსვლია

D16. რამდენად ხშირად ურთიერთობთ სხვა მოხალისეებთან „ჰელფინგ ჰენდის“ გარეთ?

1. ხშირად ვურთიერთობ
2. იშვიათად ვურთიერთობ
3. საერთოდ არ ვურთიერთობ

D17. მოსულა თუ არა თქვენი რომელიმე მეგობარი „ჰელფინგ ჰენდში“ მოხალისეობრივი სამუშაოების შესასრულებლად თქვენი რჩევით?

1. დიახ
2. არა

D18. როგორი ურთიერთობა გაქვთ „ჰელფინგ ჰენდის“ ხელმძღვანელობასთან?

1. კარგი
2. არც კარგი, არც ცუდი
3. ცუდი

D19. რამდენად ხშირად ყოფილა ისეთი შემთხვევა, როდესაც გუნდური დავალებისას სხვისი შეუსრულებული დავალების გამო თქვენ მიგიღიათ შენიშვნა?

1. არასდროს
2. იშვიათად
3. ხშირად
4. ყოველთვის

D20. ზრუნავს თუ არა „ჰელფინგ ჰენდის“ ხელმძღვანელობა საკუთარ მოხალისეებზე?

1. დიახ
2. არა

D21. გამოხატავს თუ არა „ჰელფინგ ჰენდის“ ხელმძღვანელობა მაღლიერების გრძნობას თქვენს მიერ შესრულებული უანგარო საქმიანობისთვის?

1. დიახ
2. არა

მეორე კომპონენტის კითხვარი

A. დემოგრაფიული ბლოკი

A1. რესპონდენტის სქესი:

[ინტერვიუერის საყურადღებოდ! არ წაუკითხოთ. თავად შემოხაზეთ].

1. მდედრობითი 2. მამრობითი

A2. გთხოვთ მითხრათ, რამდენი წლის ბრძანდებით?

_____ წლის

A3. ხართ თუ არა დაოჯახებული?

1. დიახ
2. არა
3. მიჭირს პასუხის გაცემა

A4.1 რომელ კურსზე სწავლობთ ახლა?

_____ კურსი

A4.2 რომელ ფაკულტეტზე სწავლობთ?

-1(არ ვიცი)

-2(უარი პასუხზე)

A5. [ზარათი A5] გთხოვთ მითხრათ, როგორია თქვენი ცოდნის დონე:

		საერთოდ არ ვიცი	დაწყებითი	საშუალო	მაღალი	(არ ვიცი)	(უარი პასუხზე)
1.	ინგლისურენაში?	1	2	3	4	-1	-2
2.	რუსულენაში?	1	2	3	4	-1	-2
3.	კომპიუტერი (Microsoft Office- ისპროგრამები), თამაშებისგარდა	1	2	3	4	-1	-2

A6. ხართ თუ არა ამჟამად დასაქმებული ანაზღაურებად სამსახურში?

1. დიახ, სრულ განაკვეთზე
2. დიახ, ნახევარ განაკვეთზე
3. ვარდროებით დასაქმებული
4. არ ვარ დასაქმებული

-1(არ ვიცი)

-2(უარი პასუხზე)

A7. [ზარათი A7] რა იყო თქვენი პირადი საშუალო თვიური დანახარჯი ლარში (სწავლის გადასახადის გარდა) გასული 12 თვის განმავლობაში?

1. 0 – 150 ლარი
2. 151–300 ლარი
3. 301–450 ლარი
4. 451–600 ლარი
5. 601 ლარი და მეტი

-1(არ ვიცი)

-2(უარი პასუხზე)

B. კითხვები მოხალისეობის შესახებ

B1.უპირველეს ყოვლისა, რას ნიშნავს თქვენთვის მოხალისეობა?

[ინტერვიუერის საყურადღებოდ! არ წაუკითხოთ. შემოხაზეთ მაქსიმუმ ორიპასუხი].

- 1.პროფესიული უნარ–ჩვევების განვითარება
 - 2.პიროვნული უნარ–ჩვევების განვითარება
 - 3.სიკეთის უანგაროდ კეთება
 - 4.თავისუფალი დროის სასარგებლოდ გამოყენება
 - 5.ახალი მეგობრების შეძენა
 - 6.ახალი ინიციატივების განხორციელება
 - 7.სხვა(ჩაწერეთ).....
- 1(არ ვიცი)
- 2(უარი პასუხზე)

B2. [ბარათი B2] 5-ბალიანი სკალის მიხედვით, სადაც 1 ნიშნავს „საერთოდ არ არის მნიშვნელოვანი“ და 5 ნიშნავს „ძალიან მნიშვნელოვანია“, როგორ ფიქრობთ კარგი მოქალაქისათვის რამდენად მნიშვნელოვანია მოხალისეობრივი (არაანაზღაურებადი) საქმიანობის შესრულება?

საერთოდ არ არის მნიშვნელოვანი				ძალიან მნიშვნელოვანია
1	2	3	4	5

-1(არ ვიცი)

-2(უარი პასუხზე)

B3. ხართთუარა ამჟამადმოხალისე?

1. დიახ (გადადით **B11** კითხვაზე)
 2. არა
- 1(არ ვიცი)
- 2(უარი პასუხზე)

B4. ყოფილხართ თუ არა მოხალისე?

- 1.დიახ
 - 2.არა(გადადით**B7** კითხვაზე)
- 1(არ ვიცი) (გადადით**B7** კითხვაზე)
- 2(უარი პასუხზე) (გადადით**B7** კითხვაზე)

B5. რა იყო თქვენთვის მოხალისეობის მთავარი მოტივი?

[ინტერვიუერის საყურადღებოდ! არ წაუკითხოთ. შემოხაზეთ მაქსიმუმ ორი პასუხი]

1. გამოცდილების მიღება, რომლიც მომავალში დასაქმებისთვის გამომადგებოდა
 2. პროფესიული უნარ-ჩვევების განვითარება
 3. პიროვნული უნარ-ჩვევების განვითარება
 4. სიკეთის უანგაროდ გაკეთება
 5. თავისუფალი დროის სასარგებლოდ გამოყენება
 6. ახალი მეგობრების შეძენა
 7. ახალი ინიციატივების განხორციელება
 8. სერთიფიკატების საჭიროება
 9. სხვა(ჩაწერეთ).....
- 1(არ ვიცი)
- 2(უარი პასუხზე)

B6. ამ სფეროებიდან რომელში გიმუშავიათ, როგორც მოხალისეს?

	დიახ	არა	არ ვიცი	უარი
1. განათლება	1	2	-1	-2
2. კულტურა და ხელოვნება	1	2	-1	-2
3. ჯანდაცვა და სოციალური სფერო	1	2	-1	-2
4. სამართალი / ადამიანის უფლებების დაცვა	1	2	-1	-2
5. მშენებლობა / რესტავრაცია	1	2	-1	-2
6. მშვიდობის პროპაგანდა / კონფლიქტების რეგულირება	1	2	-1	-2
7. გარემოს დაცვა	1	2	-1	-2
8. მომსახურება / ტურიზმი	1	2	-1	-2
9. სპორტი	1	2	-1	-2
10. სხვა (ჩაწერეთ)	1	2	-1	-2

B7. ისურვებდით თუ არა მოხალისეობრივი საქმიანობის შესრულებას?

1. დიახ
2. არა (გადასვლა **B10** კითხვაზე)
-1(არ ვიცი) (გადასვლა **B10** კითხვაზე)
-2(უარი პასუხზე) (გადასვლა **B10** კითხვაზე)

B8. რომელ სფეროებში ისურვებდით მოხალისეობას?

[ინტერვიუერის საყურადღებოდ! წაუკითხეთ. მიიღეთ მაქსიმუმ სამი პასუხი]

1. განათლება
2. კულტურა და ხელოვნება
3. ჯანდაცვა და სოციალური სფერო
4. სამართალი / ადამიანის უფლებების დაცვა
5. მშენებლობა / რესტავრაცია
6. მშვიდობის პროპაგანდა / კონფლიქტების რეგულირება
7. გარემოს დაცვა
8. მომსახურება / ტურიზმი
9. სპორტი
10. სხვა(ჩაწერეთ).....
-1(არ ვიცი)
-2(უარი პასუხზე)

B9. რომელი სექტორის მიერ შემოთავაზებულ მოხალისეობრივ პროგრამებს მიანიჭებდით უპირატესობას?

[ინტერვიუერის საყურადღებოდ! წაუკითხეთ. მიიღეთ მხოლოდ ერთი პასუხი]

1. სამთავრობო
2. არასამთავრობო
3. კერძო
4. არცერთი
5. არ აქვს მნიშვნელობა
-1(არ ვიცი)
-2(უარი პასუხზე)

[ინტერვიუერის საყურადღებოდ! მათთვის, ვინც პასუხი გასცა **B9** კითხვას, გადავდივართ **B13** კითხვაზე]

B10. რატომ არ გინდათ შეასრულოთ მოხალისეობრივი საქმიანობა?

[ინტერვიუერის საყურადღებოდ! არ წაუკითხოთ. მიიღეთ მხოლოდ ერთი პასუხი]

1. არ მაქვს საკმარისი თავისუფალი დრო
2. არ ვვლობ საკმარის ინფორმაციას მოხალისეობრივი პროგრამების შესახებ
3. არ მაქვს ტრანსპორტირების და კვების ფინანსები
4. არ მაქვს სურვილი
5. სხვა (ჩაწერეთ)
- 1(არ ვიცი)
- 2(უარი პასუხზე)

[ინტერვიუერის საყურადღებოდ! მათთვის, ვინც პასუხი გასცა **B10** კითხვას, გადავდივართ **B13** კითხვაზე]

B11. წელიწადში რა სიხშირით მოხალისეობთ?

1. ყოველდღე
2. კვირაში ორჯერ ან მეტჯერ
3. კვირაში ერთხელ
4. თვეში ერთხელ
5. წელიწადში ორჯერ ან მეტჯერ
6. წელიწადში ერთხელ
- 1(არ ვიცი)
- 2(უარი პასუხზე)

B12. რა შემთხვევაში დაუთმობდით მეტ დროს მოხალისეობას?

[ინტერვიუერის საყურადღებოდ! არ წაუკითხოთ. მონიშნეთ მაქსიმუმ ორი პასუხი]

1. ორგანიზაციის ინფრასტრუქტურის გაუმჯობესების შემთხვევაში
2. ორგანიზაციის მიერ კვების და ტრანსპორტირების ხარჯების ანაზღაურების შემთხვევაში
3. სამსახურის/სწავლის და მოხალისეობის დროის შეთავსების შესაძლებლობა თუ მექანიზმა
4. მეტი თავისუფალი დროის ქონის შემთხვევაში
5. საკმარის დროს ვუთმობ მოხალისეობას
6. სხვა (ჩაწერეთ)
- 1(არ ვიცი)
- 2(უარი პასუხზე)

B13. [ზარათი B2] 5-ბალიანი სკალის მიხედვით, სადაც 1 ნიშნავს „საერთოდ არ არის მნიშვნელოვანი“ და 5 ნიშნავს „ძალიან მნიშვნელოვანია“, თქვენი აზრით, რამდენად მნიშვნელოვანია მოხალისეობის ინსტიტუტის განვითარება ქართული საზოგადოებისთვის?

საერთოდ არ არის მნიშვნელოვანი				ძალიან მნიშვნელოვანია
1	2	3	4	5

-1(არ ვიცი)

-2(უარი პასუხზე)

B14. თქვენი აზრით, რა არის აუცილებელი იმისათვის, რომ განვითარდეს მოხალისეობა ახალგაზრდებში საქართველოში?

[ინტერვიუერის საყურადღებოდ! არ წაუკითხოთ. მონიშნეთ მაქსიმუმ ორი პასუხი]

1. სამთავრობოსექტორისგააქტიურება
2. არასამთავრობოსექტორისგააქტიურება
3. საზოგადოების ცნობიერების დონის ამაღლება
4. ახალგაზრდული პროგრამების განხორციელება/მხარდაჭერა
5. შესაბამისი საკანონმდებლო რეგულაციების შემოტანა
6. სხვა (ჩაწერეთ)

-1(არ ვიცი)

-2(უარი პასუხზე)

B15. თქვენი აზრით, რამდენად სასურველია, რომ ისწავლებოდეს მოხალისეობა საგანმანათლებლო დაწესებულებებში, როგორც ერთ-ერთი საგანი?

1. ძალიან სასურველია
2. სასურველია
3. ნაკლებად სასურველია
4. საერთოდ არ არის სასურველი

-1 (არ ვიცი)

-2 (უარი პასუხზე)

B16. თქვენი აზრით, რამდენად უწყობს ხელს მოხალისეობა პროფესიულ წინსვლას?

1. საკმაოდ უწყობს ხელს
2. მეტნაკლებად უწყობს ხელს
3. საერთოდ არ უწყობს ხელს

-1(არ ვიცი)

-2(უარი პასუხზე)

B17. [ბარათი B17] 5-ბალიან სკალაზე, სადაც 1 ნიშნავს „საერთოდ არაა ეფექტური“, ხოლო 5 ნიშნავს „ძალიან ეფექტურია“, როგორ შეაფასებდით მოხალისეობის ინსტიტუტის ეფექტურობას საქართველოში?

საერთოდ არაა ეფექტური				ძალიან ეფექტურია
1	2	3	4	5

-1(არ ვიცი)

-2(უარი პასუხზე)

B18. [ბარათი B18] აშშ-ს მოქალაქეებისთვის მოხალისეობის წახალისებისა და მათ მიერ შესრულებული მოხალისეობრივი საქმიანობის მადლიერების ნიშნად დაწესებულია პრეზიდენტის სპეციალური ჯილდო. სახელმწიფო სამსახურში დასაქმებისა და უმაღლეს სასწავლებლებში დაფინანსების / სტიპენდიის მოპოვების დროს პრიორიტეტი ენიჭებათ იმ მოქალაქეებს, რომლებიც აღნიშნული ჯილდოს მფლობელები არიან.

5-ბალიან სკალაზე, სადაც 1 ნიშნავს „საერთოდ არ შეუწყობს ხელს“, ხოლო 5 ნიშნავს „ძალიან შეუწყობს ხელს“, თქვენი აზრით, რამდენად შეუწყობს ხელს მსგავსი ჯილდოების შემოღება მოხალისეობის კულტურის დანერგვას საქართველოში?

საერთოდ არ შეუწყობს ხელს				ძალიან შეუწყობს ხელს
1	2	3	4	5

-1(არ ვიცი)

-2(უარი პასუხზე)

B19. მისაღებია თუ არა თქვენთვის ანაზღაურებადი სამუშაოს შეთავსება მოხალისეობრივ (არაანაზღაურებად) საქმიანობასთან?

1. დიახ, სრულიად მისაღებია

2. ნაწილობრივ, მისაღებია

3. არ არის მისაღები

-1(არ ვიცი)

-2(უარი პასუხზე)

B20. გსმენიათ თუ არა ისეთი ორგანიზაციების შესახებ, რომლებიც მოხალისეობრივ საქმიანობას სთავაზობენ ახალგაზრდებს?

1. დიახ

2. არა (გადადით B22 კითხვაზე)

-1(არ ვიცი) (გადადით B22 კითხვაზე)

-2(უარი პასუხზე) (გადადით B22 კითხვაზე)

B21. გთხოვთ, დაასახელოთ ასეთი ორგანიზაციები.

ორგანიზაცია 1.....

ორგანიზაცია 2.....

ორგანიზაცია 3.....

-1(არ ვიცი)

-2(უარი პასუხზე)

B22. გსმენიათ თუ არა სახელმწიფოს მიერ წამოწყებული მოხალისეობრივი პროგრამების შესახებ? თუ დიახ, მიგიღიათ თუ არა მონაწილეობა ამ პროგრამებში?

1. მსმენია და მიმიღია მონაწილეობა

2. მსმენია, მაგრამ არ მიმიღია მონაწილეობა

3. არა, არ მსმენია (გადასვლა B24 კითხვაზე)

-1 (არ ვიცი) (გადასვლა B24 კითხვაზე)

-2 (უარი პასუხზე) (გადასვლა B24 კითხვაზე)

B23. გთხოვთ, დაასახელოთ ეს პროგრამები:

პროგრამა 1

პროგრამა 2

პროგრამა 3

-1(არ ვიცი)

-2(უარი პასუხზე)

B24. გსმენიათ თუ არა საერთაშორისო მოხალისეობრივი პროგრამების შესახებ? თუ დიახ, მიგიღიათ თუ არა მონაწილეობა ამ პროგრამებში?

1. დიახ, მსმენია და მიმიღია მონაწილეობა
2. დიახ, მსმენია, მაგრამ არ მიმიღია მონაწილეობა
3. არა, არ მსმენია (გადასვლა B26 კითხვაზე)

-1 (არ ვიცი) (გადასვლა B26 კითხვაზე)

-2 (უარი პასუხზე) (გადასვლა B26 კითხვაზე)

B25. გთხოვთ, დაასახელოთ ეს პროგრამები:

პროგრამა 1

პროგრამა 2

პროგრამა 3

-1(არ ვიცი)

-2(უარი პასუხზე)

B26. გსმენიათ თუ არა არასამთავრობო ორგანიზაცია “ჰელფინგ ჰენდ”-ის შესახებ, რომელიც მოხალისეობრივ პროგრამებს სთავაზობს ახალგაზრდებს?

1. დიახ, მსმენია და გაწევრიანებული ვარ
2. მსმენია, მაგრამ არ ვარ გაწევრიანებული
3. არ მსმენია [მადლობა გადაუხადეთ რესპონდენტს და დაასრულეთ ინტერვიუ]

-1(არ ვიცი) [მადლობა გადაუხადეთ რესპონდენტს და დაასრულეთ ინტერვიუ]

-2(უარი პასუხზე) [მადლობა გადაუხადეთ რესპონდენტს და დაასრულეთ ინტერვიუ]

B27. მიგიღიათ თუ არა მონაწილეობა “ჰელფინგ ჰენდ”-ის მიერ გამართულ ღონისძიებებში?

1.დიახ, საკმაოდ ხშირად

2.დიახ, იშვიათად

3. არა

-1(არ ვიცი)

-2(უარი პასუხზე) [მადლობა გადაუხადეთ რესპონდენტს და დაასრულეთ ინტერვიუ]

მადლობას გიხდით გამოკითხვაში მონაწილეობისთვის!